

Na osnovu člana IV.B.7. a)(IV) Ustava Federacije Bosne i Hercegovine, donosim

UKAZ

O PROGLAŠENJU ZAKONA O IZMJENI ZAKONA O RUDARSTVU

Proglašava se Zakon o izmjeni Zakona o rudarstvu koji je donio Parlament Federacije BiH na sjednici Predstavničkog doma od 10. januara 2008. godine i na sjednici Doma naroda od 8. novembra 2007. godine.

Broj 01-02-53/08
29. januara 2008. godine
Sarajevo

Predsjednica
Borjana Krišto, s. r.

ZAKON

O IZMJENI ZAKONA O RUDARSTVU

Član 1.

Član 42. Zakona o rudarstvu ("Službeni list R BiH", br. 24/93 i 13/94) mijenja se i glasi:

"Za novu gradnju u granicama eksploatacionog polja, prije izdavanja urbanističke saglasnosti, potrebno je prethodno pribaviti mišljenje rudarskog preduzeća i saglasnost ministarstva nadležnog za rudarstvo.

Saglasnost iz stava 1. ovog člana može se izdati i kada, prema mišljenju privrednog društva koje vrši eksploataciju, postoji opasnost od oštećenja, ali samo ako ne postoji opasnost po život i zdravlje ljudi i ako se investitor odrekne prava na naknadu štete koja bi mogla nastati kao posljedica izvođenja rudarskih radova, te da se ta njegova izjava ubilježi u zemljišne knjige."

Član 2.

Ovaj Zakon stupa na snagu osmog dana od dana objavljivanja u "Službenim novinama Federacije BiH".

Predsjedavajući
Doma naroda
Parlamenta Federacije BiH
Stjepan Krešić, s. r.

Predsjedavajući
Predstavničkog doma

Parlamenta Federacije BiH
Safet Softić, s. r.